

The Center for Research Libraries scans to provide digital delivery of its holdings. In some cases problems with the quality of the original document or microfilm reproduction may result in a lower quality scan, but it will be legible. In some cases pages may be damaged or missing. Files include OCR (machine searchable text) when the quality of the scan and the language or format of the text allows.

If preferred, you may request a loan by contacting Center for Research Libraries through your Interlibrary Loan Office.

Rights and usage

Materials digitized by the Center for Research Libraries are intended for the personal educational and research use of students, scholars, and other researchers of the CRL member community. Copyrighted images and texts are not to be reproduced, displayed, distributed, broadcast, or downloaded for other purposes without the expressed, written permission of the copyright owner.

© Center for Research Libraries

Scan Date: October 7, 2008

Identifier: s-m-000015-n17



مجموعه فنون

از

جمعیت علمیه عثمانیه

اسپینی پنه

نومرو ۲۰

شعبان



استانبول

جمعیت علمیه عثمانیه مطبعه سنده طبع اولمشدر

۱۲۸۰

(قدماى ملوك مصریه تازیخی) (مابعد تو مزو)

حکومت ایرانیان

بالاده بیان اولندیغی اوزره کی قبادشاهك صرزه فوق انغایه
مظهر فوز و ظفر اولسی کمال غرور و استکبارینی و تزايد حرص
و طمعنی موجب اوله رق و و خامت هوا و امشالی محاذیر موقعیه دن
احتراز ایتیه رك مصرك هر طرفه عزیمت و اسلیلا ایلد کدن صکره
منقبس شهرینك اوست طرفنده وادی نام محلده واقع ژوهیتر آمون نام
صنمه مخصوص مشهور عباد تکاهك دخی ضبط و تخریبی ضمننده
الی بیک عسکر سوق ایلدی فقط اردوی مذکور واصل سر منزل
مرام اولقسزین فوق العاده برشیدید روز کار ظهور ایدوب بونی
ریک روانه غرق ایلشدر.

کی قبادشاه شو و قعه دن متبه اولیه رق حبش حکمدارینه هدایا
ایله ایلچیلر ارسال و کندی و تبعینه دعوت ایلدی . اشبو ایلچیلر
حبش حکمدارینك حضورینه داخل و صورت مأموریتلرینی
تبلیغ و افاده ایلد کرنده مشارالیه الله غایت جسیم بریای اله رق
قور و ب شاهكرك اردوسنده بویایی بویله قوره بیله جک برآدم

واریسه اولخالده کندوسنه اطاعت ایدرم جو ایله ایلمچیلری
اعاده ایلدی . بو جواب کیقباد شاهی زیاده سیله اغضاب
ایتدیکندن حبش ممالکنی جبراً اورده قبضه تسخیر ایلک اوزره
جسیم اردو ایله مصر دن حرکت و سودان صحرا رینه موصلت
ایتدکده عسکر کونشک شدت حرارتدن واج و صو سزلقدن بیتاب
اوله رق آت و دوه لرینی و بعده یکدیگرینی اکل ایتدکلرندن
بو وجهله اوچیوز بیک قدری تلف اولدقدن صکره عزیمتدن
صرف نظره مصره عودته مجبور اولدی . بوندن طولای کندوسنه
حاصل اولان کمال انفعال وحدت منتهی جنت اوله رق ملوک سالفه دن
متوفی اما سببک موهیا اوله رق محفوظ اولان جسدینی مزاردن
اخراج ایله پاره پاره ایتدیردیکی مثللو اوز یماندیسک مزاری
اطرافنده بولسان التون پرمقلخی سوکد یروب الدی و منفس شهرینه
وصولی بر یورطی کونه تصادف ایتدوب اهالیکن ایتدکلری
شادمانانی کوردکده بونی کندوسنک دوچار اولدیغی فلاکتدن
طولای حاصل اولان ممنونیتلرینه جل ایدرک رؤسای دین و سائر
معتبران اهالیدن برطاقم کسان حضورینه جلب ایله بلا سوال
اعدام ایدوب مصر لولرک پرسش ایتدکلری حیواناتک معتری
اولان آیس نام اوکوزک یورطبسی اولدیغی استماع ایلدکده مذکور
اوکوزی دخی نزدینه جلب و اشبو اعتقاد باطلارینی تزیفاً قلیجیله
اهلاک ایتدی . مشارالیهک بومقوله حرکات مخنونه رغدارانه سنه
مبنی مصر لولرک اهل ایران حقنده اولان بغض وعدا و تلری
برقاند هاتزاید ایلدی . حکمدارانک تحت حکو متلرنده بولسان
ممالکده مرعی اولان مذاهب و اعتقادات هر تقدرواهی و باطل

اولورایسته اولسون حرمت و رعایت ایتملری موافق مصیحت
اولوب حتی کندوسی ییلوس شهرینی محاصره ایلدکده مصریون
عندنده معبود اتخاذاولسان قیون وکدی وکویک و امثالی حیوانانی
عسکرینک اوکنه سوروب مصرلولر مقاومت ایلدکلی حالده
اوقلری دشمن عسکرندن اول معبودلری اولان مذکور حیوانانه
اصابت ایده جکلی کوزدکلی کبی بلامحاربه عرض اطاعت ایتکله
اهالینک اشبو اعتقاد باطلارندن کندوسی دخی استفاده
ایتمش ایدی. مع مافیه شودقیقه دن غفلت ایدوب بودخی حقنده
وخامت عظیمه یی موجب اولمشدر.

کیقباد مصر الکاسنی ضبط واسبتلا ایتدکدن صکره زمام حکومتی
بروالی یه ترک ایله مملکتی جاننه عودت ایلدی. اورایه وصولنده
ونات ایتمش اولان اسر ویس نام برادری اولق ادعاسیله دعوی
سلطنته قیام و باشنه برحق عونه جمع ایتمش اولان بر برهمن ایله
محاربه یه ابتدار ایتکله اثنای حربده اسبندن دوشوب قلیجی
غلانندن چیه رق کندوسنی جرح ایتمش و بوندن متأثراً
وفات ایلمشدر. کیقبادک اشبو جراح حتی مذکور اوکوزی قتل
ایلدکده ابتدا ضرب ایتدیکی عضوه تصادف ایتدیکندن
شوکیفیت مصریونک اعتقاد باطلارینه برقاند ها تقویت
ویرمشیدی.

برمنوال محرر ایرانلولر مصر الکاسنی آشوری قهر و تغلبه اداره
ایدوب بوجهتله مصرلولر فرصت بولدجه اعلان عصیان
ایلدکلرندن ایران حکومتی مصر جاننه یوک اردولر سوقنه مجبور
اولمش ایسه ده نهایت حقارندن کله میوب مصرلولر ایرانوس نام

ذاتی کندولرینه حکمدارنصب ایلدیلر. بونک اوزرینه ایران شاهلی
بولنان ارد شیرتکرار دائره اطاعته ادخالری ضمنده مصر اوزرینه
اوچوز بیک عسکرو بردونما سوق ایدوب فقط جاهر یونانیده
آته جمهورى دخی مصر یونه اعانه ایتک اوزره اردو و دونما ارسال
ایلدیکندن آته دونماسی ایران دونماسی مضمحل ایتدیکی مثلاً
ایکی اردو برلشوب ایران عسکر یله محاربه عظیمه رقوعوبله رق
غلبه ایلش و بومحاربه ده ارد شیرک برادری بولنان ایران سرعسکری
ایله یوز بیک ایرانلو تلف اولمش اولدیغندن ارد شیر میلاددن
در تیوز قرق الی سنه اول مصر اوزرینه مجدداً برجسیم اردو
سوق ایلدی و بوکره مصر لولر متفقاری بولنان آته لولر ایله
مغلوب اوله رق حکمدارلری بولنان اینادوس دخی اخذ و گرفت
اولندی. ارد شیر اول امرده مشارالیه اینادوسه امان و یرمه
ایسه ده اردو سرعسکری بولندیغی حالده اقد مجد تلف اولمش
اولان برادرینک اخذ ثاری، ایچون والده سنک ابرامنه مینی
صلب ایتدیرمه شد.

بوندن صکره اینادوسک معبته محاربه ده بولمش اولان
مصر کبراسندن اثیرتا کوس اهلیدن برچوق طرفدار پیدا
ایدک تکرار اعلان عصیان ایله مملکتک برجانینی ضبط ایدوب
یونانلولرک بعض مرتبه اعانه لریله کندوسی وایلروده بیان
اولنه جخی اوزره یدی نفر اخلافی ایرانلولرله محاربه ایدک حکومتی
اداره ایتش لردر. اشبویدی حکمدار دن اکویسک زمانده
ایران حکمداری مصر اوزرینه برجسیم اردو تهیه ایتش و آته
جمهوری ایله بالمخازه کسب مناسبت ایدک مصر یونه ایلدکری

اعانه كند و سنه اولنق اوزره جمهور مذکور ايله عقد اتفاق
 ايتش ايسده اواز م حريه نك استكمالنده رخاوت كوسترلديكندن
 ايكي سنه دن متجاوز زمان هرور ايدرك اول ائشاده اكويستك
 وقوع وفاتيله تخت سلطنت پساموتيسه انتقال ايدوب بودخى
 مدت قسليه هرورنده فوت اولديغندن يرينه نفريت جلوس
 ايتش ايسده بونك دخی زمان حكومتى يالكر درت ماهدن
 عبارت اوله رق وفاتنده نيكتا نديوس ميلاددن اوچوزيتش
 درت سنه اول مسند نشين حكمرانى اولمشيدى. اشته بونك
 هنگام حكومتنده ايكي يوزيك نفر دن عبارت اولان اردوسى
 يكرمى يك يونان عسكريله براشديريله رك مصر اوزرينه سوق
 اولندي. يونان سرعسكرى طوغريجه منفيس شهرى اوزرينه
 كيد لمسنى راى ايتش ايسده ايران سرعسكرى انظار ناسده
 يونان سرعسكرينك راىيله حركت ايتش اولماق ايچون بوراى
 صائبي قبول ايتيه رك الان رشيد شهرينك بولنديغى محمله
 واقع قلعه نك محاصره سيله اضاعه وقت ايدرك مصر يونه
 تداركات حريه لرينك اكمانه ميدان ويرمشيدى.
 اولو جهله بونلرك مقاومت كسب اقتدار ايله متفكر ايلرويه تجاوز
 ايده مدكدن بشقه نيك فيضانى موسمى دخی حلول ايتد يكدن
 ايران اردوسى اوراده حال تحفيظده دخی قاله ميوب برچوق آدملم
 تلف اولدقدن صكره بريه الشام جانبزه عودته مجبور اولمشدر.
 نيكتا نديوس اولو جهله كيد دشمن دن خلاص اولدقدن صكره
 مصرده اون سنه اجراى حكومت ايدوب وفاتنده طاقوس
 جالس مسند حكومت اولدى.

مشارایه تکرار ایرانلو طرفندن تسلط وقوعنی حشر الیدکنندن
یونانستانده کائن اسپارطه حکومتندن استمداد ایدوب حکم
مذکور طرفندن بوبابده مساعدده اولمغله آژیزیلاس نام
مشهور اسپارطه حکمداری سکسان یاشنده بولندیغی حالده
عسکری ایله برابر مصره امداده کلمش ایسهده مشارایه
قصیرالقامه والبسه سی غایت ساده وکندوسی رسم وتکلفدن
آزاده اولسی جهتیله حقنده لازمه تعظیم وحرمت ایفا اولندیغی
مثالودرکاراولان معلوماتنه دخی قطعاً اعتبار اولندیغندن طاقوس
مشارایه اسپارطه حکمدارینک رأیی وجهله حال تحفیظده
قالق استیوب بریه الشام طرفنه تجاوزایتمکله شواثاده مصرده
براختلال وقوعیله طاقوس خلع ویرینه اقر باسندن نوکتانیوس
نصب اولندی . طاقوس مصره عودت ایلك استدکده
مغلوب اولدیغندن ایران شاهی اردشیر طرفنه التجا ایدوب
مشارایه دخی مصره سوق ایلدیکی اردو سنک سرعسکرلکنی
کندوسنه حواله ایتمش ایسهده اسپارطه حکمدارینک مصرلوره
وقوعبولان اعانه سی مناسبتیله طاقوس ایران اردوسیه برابر
منهزماً عودت ایلمشدر .

متعاقباجالس مسند حکومت ایران اولان دارارتق بومصر مسئله سنی
برطرف ایتمک ونوکتانیوسی اخذ وکرفت ایلك اوزره ایران
ویونانیلردن مرکب غایت جسیم براردوایله مصر اوزرینه حرکت
ایلمشدر . ابتدای امرده پیلوس قلعه سنی محاصره واخذودروننده
بولسان بش بیک اسپارطه عسکرینی قتل واعدام ایلدیکنی
نوکتانیوس استخبار ایلدیکده دارانک طوغریجه منفیس شهری

اوز رینه کتمک نیننه ذاهب اولمسیله برای مد افعه قلعه و یولاری
حالی ازره بر اقوب کندوسی شهر مذکوره قیامشدر. دارا تشبثات
واقعہ سندم اضاعه وقت ایتمکدن بشقه کندوسنه مقاوت
ایدنلری قهر و تد میر و اطاعت کوسترناری تلطف ایلک
قاعده سنه رعایت ایتدیکندن کرک منفیس شهرینی و کرک
مصرک سائر محللرینی پک از مدت ظرفنده ضبط و تسخیر ایله
کافی السابق ضمیمه ممالک ایران ایلدی. مشارالیه نکتانیوس
برخیلی مال ایله ممالک حبشه فرار و بقیه عمرینی اوراده امرار
ایلمشدر. اشته اولوقتن شمدی یه قدر حکومت مصریه اجانب
یدنده قالوب قطعاً یرلو حکمدار کلما مشدر. وقعه مذکوره
میلاددن اوچبوز الی سنه اول و قوعبولمشدر.

دارا اولوجهله مصری ضبط ایلدکه مقدملری کبی جابجا اخلاص
ظهورینک منعی ضمیمه بالجمله قلاعی هدم تخریب ورؤسای
دین و سائر دن بر طاقم کساننی اعدام و تغریب ایلدکن بشقه
عبادتگاهلرینی یغما و قوانین مؤسسہلرینی ابطال والفا ایله مصر
الکاسنی عاداتا برایت حکمنه قویه رق قوانین جدیدہ وضع ایلدی
وحتی مصرلورک قیود و دفاتر لرینی حرق و اتلاف ایلش و بودخی
بالاده بیان اولدیغی وجهله تاریخی بعض وقوعاتک مجهول
و مشکوک قالسنه سبب اولمشدر.

دارانک اشیو حرکت ظالمانه سی مصر اهلیننی زیاده دلکیر و تنغیر
ایتمش اولغله صفت حیوانیتہ چسبان احوال مشروحه سنی
تقیحا کندوسنی حارلقییه تلقیب ایتدکلرینی بالاستماع
زیاده تهور ایدرک کندوسنک حار اولیوب ارسلان اولدیغنی

واثبات مدعا ایچون معبودلری اولان اوکوز لرینی اکل ایده جکنی
بیان ایدوب بونک اء زرینه مذکور معبودلردن آپیس نام اوکوزی
عبادتکاهدن جلب و ذبح ایتدیروب کندوسی و دائره سی خلقی
اکل ایلشدر.

دارا خطه مصریه یی اولوجهله دائره اطاعته ادخال ایلدکدن
صکره مملکتی جاننه عودت ایدوب بتون بتون عبش عشرت ايله
اشتغال وزمام حکومتی وزیر یی بولنان بوغواس نام خادمیله وکلای
سائره سنه ترک ایلدی. خادم مذکور فی الاصل مصرلو اولوب
دارانک عقدا مصرده وقوعبولان مظالم و تعدیات یی کندو سنه
برداغ درون اولمش اولمقله زمام حکومت اولوجهله کندو یدینه
کچدکده داعیه اخذ انتقام ايله متبوعنی تسیم ایدوب یرینه دیگر
بر مقتولی دفن ایتدیردی و اوکوز آپیسه وقوعبولان معامله یه
مقابل اولمق اوزره مسمومک جسدینی پاره پاره ایتدیره رک کدیلره
اعطا وککلرندن قلیچ و بچاق قبضه لری اعمال ایتدیردی.
ومصردن غصب اولنان اصنام و اشیا ی سائره نک اکثر یسینی
محارینه اعاده ایلدی.

وقوعات مذکوره دن صکره ایران شاه ی اولان ایکنجی دارا
جسارت و رشد رویت ايله متصف ایسه ده مقدونینا حکمداری
بولنان صاحبقران مشهور اسکندر بن فیلیپوس ايله وقوعبولان
محاربه سنده مغلوب اوله رق اسکندر کافه ممالکینی ضبط و تسخیر
ایلشدر. بواثناده اسکندر رک اردو سندن امتا س اسمنده
برضابط ایران اردو سنه فرار ایدوب شاه خدمتده بولنان
سکزیلک یونانلو عسکرینی بالا استصحاب مصره عزیمت ومصر

والیکنه تعیین اولندیغنه دائر شاه طرفندن بر ساخته امر نامه
 ارائه ایدرک مظهر حسن قبول اولدقدن صکره امر نامه مذکورک
 ساخته اولدیغنی و مصریون کندوسنی حکمدار مستقل انتخاب
 ایلدکاری حالده مصری ایرانلو تغلبندن تخلیص واستقلالنی اعاده
 ایده جکنی اعلان و تعهد ایتسیله اهالی بوکا موافقت ایدرک
 برلکده منفیس شهری اوزینه هجوم وجوارنده ایرانلو ایله محاربه
 و غلبه ایتش ایدسه ده متعاقباً عسکری شهره دخول ایدرک نهیب و غارت
 ایله مشغول ایکن ایران عسکرندن برفرقه آمناستی بر محمله یا لکر
 بوله رق ایدام ایتدیلر. بو وقعه ایرانلولر ایله مصرلولر باینده
 اوتیه دنبر درکار اولان بغض و خصومتک بر قاندها تزییدنی مستلزم
 اوله رق برمنوال مشروح اسکندر ممالک ایرانی ضبط و تسخیر
 ایتدکدن صکره مصر الکاسنی دخی داخل دائره حکویتی ایتک اوزره
 اولجانبه عزیمت ایلدکده مصریون کمال رغبت و مسرت ایله
 استقبال و زمام حکومتلرینی ید اداره سنه تسلیم ایلدیلر.
 صاحبقران مشارالیه اولوجهله فوق الغایه مظهر اولدیغنی
 شان و شوکت ایله اکثفا ایتیوب معبود انام اولمق فکر باطلیله
 بعض بئله منسوبیت ادعا سنه دخی قیام و اصنام مذکوره نک
 الک معتبری اولان ژوپترامونک منفیس شهری حواله بسنده واقع
 عبادتگاهنه عزیمتله هر نصلسه راهلرینی اقناع و الزام ایلدیکندن
 بونلر اسکندر ژوپترامونک اوغلی اولوب اکا دخی پرسش اولمسی
 کندولرینه مذکور صنم طرفندن الهام اولندیغنی خلقه
 اعلان ایلدیلر.

صاحبقران مشار الیهك حسن اداره جه اسلافه تفوقی دركان
 اولدیغندن مصریونك عصیانته سر رشته ویرما ملك ایچون
 قوانین قدیمه لرینی تکرار تأسیس و دیا نتیجه سر بستانك اعطا ایدرك
 اداره ملكیه ایالتی دخی دولیاس نامنده بر مصرلویه احاله و عساکر
 مصریه یه کند و اورد و سندن ضابطان ویره رك قوماندانلغنه دخی
 سر آمدن امرای عسکریه سندن فیلو من نام کسندی بی مأمور
 ایلدی و اشبوسر کرده رك دخی داعیه استقلال ایله
 عصیان ایده ماسیچون مصری بر قاج ایالته تقسیم و بونلره تعیین
 ایلدیکی قائم مقاملره طوغریدن طوغری یه کند و سوله مخابره
 ایلک اوزره مأذونیت اعطا ایلدی و بعده کندی و نامه منسوب
 بولسان اسکندریه شهر بنی بنا ایدوب شهر مذکور عسکره لری بر مدت
 دنیاك مرکز علوم و تجارتی اولمشیدی . اسکندر مصردن
 حرکتله بغداد جوارنده واقع بابل شهرینه عزیمت ایتد کده سنی
 هنوز اوتوز اوچه بالغ اولمشیکن عبش و عشرته زیاده انهما کند ناشی
 مدت قلیله ده وفات ایلدی کندن و ولی عهدی دخی اولدیغندن
 فتح ایتش اولدیغنی بونجه ممالك جسمیه بی بعض امرای عسکریه سی
 بیلرنده تقسیم ایدرك هر بری بر مملکته حکمدار مستقل اولدیغنی
 صره ده مصر ایله افریقا قطعه سنده بولسان دیگر بعض محارر
 امرای مذکوره دن بطلمیوس لاغوس نام ذاتك حصه سنه
 اصابت ایلدی .

(محمد جیل)

سفیر پارس

(خلیل)

سفیر پتر سیرغ

(علائم سماویه) (مابعد نومرو ۱۵)

(شاکرد)

روزگارک درجهٔ سرعتی بیان صره‌سندۀ خفیف فورطنه اثناسندۀ روزگار ثانیۀ ده یکر می بش اوتوز وشدید فورطنه لردۀ قرق قرق بش ارشون ودها زیادۀ مسافه قطع ایدر بیورمش ایدیگز . فورطنه لره دائر بعض تفصیلات اعطایورلسه نمون اولورم .

(خواجه)

روزگار مجرد تموج هوادن نشأت ایدر براثر اولدیغنی سولیش ایدم . فورطنه دخی هوانک شدتله تموجندن عبارتدر . فورطنه هر نقدر برآدخی بعض مرتبه ایراث خسار ایدۀ بیلورایسده بونک کمال شدت و مضرتی دریاده مشاهده اولنور . فورطنه نک انواعی درجات متفاوتۀ سی اولوب بورالرده دخی بعضاً شدید تلوری و قوعبولورسده الک زیادۀ شدیدی آنتیل اطه لری (۱) حوالبسندۀ ظهوره کلور . حوالی مذکورۀ ده هر دفعه فورطنه و قوعنبدۀ حال برأ و بحرأ از چوق مضرتی کورلدیکندن اهالی فورطنه ظهورندن زیادۀ سیله خوف و احتراز ایدرلر و قبل الوقوع سماده بعض علائم مشاهده اولنور شویله که بو طرفلرده

(۱) امر یقاده مکسیقا کورفزیله ماراقا ئیبو کورفزی اراسندۀ واقع بر طاقم جزایر کیره و صغیره دن عبارتدر .

اصلاً مشاهده اولنا مش درجه ده جو هوایی ظلمت استعیاب ایدر
 وبلوتلر متکاثف اوله رق حرکتدن قالوب کویا روی زمینه
 دوشه جک کی برحالده بولنور و هوایه فوق العاده ثقلت عارض
 اوله رق برطرفدن شمشک چاقوب و برطرفدن ییلدیرملردوشوب
 وحوش و طیورک صدای وحشت افزایی ایسه برقاندھا موجب
 خوف و خشیت اولدیغندن فورطنه سکونت بولنجیه دکن هر کس
 بر مصیته منتظراً فوق الغایه مضطرب اولورلر. هر دفعه سنده
 برقاج قطعه کی قضا زده اولوب حتی بردفعه (سن دا وید) لیانی
 پیشکاهنده اوچی قیاق اولمق اوزره یکر می قطعه انکلیز سفن
 حریه سی کلیاً غرق و تلف اولمش و دروننده بولسان نفوسدن
 هیچ بری بیله قور تیله مامشدر.

هوا دن تحدث ایدن علامت لک بری سیده قصرغه در. بونکده
 روز کارک شدتنه کوره درجاتی اولوب شد تلوسی مضرو خطرناکدر.
 شدید قصرغه وقوع بولان یرلده تازه فدانلردن و برقاج سنه لک
 اغاچلردن خیر قالمیه چغندن بشقه بعضاً پک بیوک اغاچلری بیله
 قلع و کارگیر بنالری هدم ایلد یکی دخی کورلشدر. قصرغه
 اکثر ایکی سمت مخالفدن روزکار هبوب ایتدیکی وقتده حادث اولور.

(شاکرد)

دک زده دخی قصرغه اولور می

(خواجه)

اوت دک زده دھا چوق وقوع بولوب اول حالده خرطوم تسمیه اولنور.
 اشبو خرطوم جو هواده تراکم ایدن انجره نک بعض حادثه ایله دفعه

صوبہ انقلابندن منبث اولوب غایت جسم و مخروطی الذکل برغود
 هیئندہ نزول ایدرودر عقب محو اولوب براوجی سحابده و براوجی
 دکرده اولدیغی حالده براز وقت روی دریاده متحرک اولور طورر
 بونک حدوشنه باعث اولان اسبابک حقیقی لایقيله معلوم اولوب
 اکثر طبیعیون جہتین متقابلیندن هبوب ایدن ریاخ شدیده ايله
 سیالہ برقیہ یه حل ایدرلر خرطوم نزولندن اول بعض مرتبه
 کورلدی ایشیدیلوب بحر یون بوندن زیاده سیله اجتراز
 ایدرلر اوزا قدن برخرطوم مشاهده اولند قده کله سزطوب
 آتله رق هوایی تحریک ايله و یاخود کله آتله رق عمودی شکست
 ايله دفع و محوی اسبابنه تشبث اولنور زیراخرطوم کینک اوزرینه
 تصادف ایدر ايسه کمی صوایله طولدی ره رق درعقب غرق
 ایده جکی درکاردر بحر سفیده و خط استویه قریب اولان
 دکرلده و بحار جنوبیه ده محال سائرہ دن زیاده وقوعبولور
 خرطومدن توقی پک کوج اولدیغندن زیاده سیله خطرناک
 برعلا متدر

شاگرد

هوا حرارت واسطه سیله منبسط اولد قده روز کار حاصل اولور
 بیورمش ایدیکنز فقط حرارت نه اولدیغی و هوا کی قابل تنفس
 بر جسم اولوب اولدیغی بیان ایلدیکنز

خواجه

حرارت جسم دکلدر آتسه تقرب اولدیغی و یا خود کونشه
 قارشو طورلدیغی حالده حس اولان صیحا قلددر بویها قلق

بزه منبع حرارتدن غایت رقیق بر جسم واسطه سیله واصل
اولور که بوجسمه طبیعیون سیالۀ ناریه تعبیر ایدر لر. بناً علیه
سیالۀ ناریه مؤثر و حرارت اثر اولمش اولور.

شاگرد

سیالۀ ناریه نصل شیدر.

خواجه

سیالۀ ناریه فوق الغایه رقیق بر جسم اعتبار اولسندرق کافه
اجسامده موجود اولدیغی والذیاده سرت جسملرک بیلده درونلرینه
نفوذ و دخول ایده بیلدیکی طبیعیون عندنده مثبت اولوب فقط
شمدی یه قدر هیچ بر درلو آلت واسطه سیله وزن اولنه مامش
ایدو کندن حکما بونی اجسام غیر موزونه دن عدا یتش لردر.

شاگرد

برودت دخی سیالۀ ناریه کبی بر جسم میدر.

خواجه

خیر. برودت جسم اولمدقدن بشقه حقیقتده دخی هیچ بر شی
اولیوب شو حال حرارتک قلتندن عبارتدر. سیالۀ ناریه سی ازاولان
ویا خود نشر حرارت ایتدیکی وقت مالک اولدیغی سیالۀ ناریه
مؤخرأ زائل اولمش بولسان بر جسمه طوقند یغیر حالده برودت حس
ایدرز. ایچنده آتش یانان بر صوبه طوقلن درجه صیحااق اولوب
فقط ایچنده کی آتش سوند کدن صکره تدریج ایله صفو منه

باشلدیغی معلومدر: شو حاله نظرأ صوبه نك بلع ایتدیگی
سیالہ ناریه تناقص ایتدیجکه برودت حس اولندیغی
اکلا شیلور: برودت حرارتك قلی اولوب فقدانی دکلدر چونکه
بر جسمده حرارتك کلیأ فقدانی ممکن اولیوب مثلاً زیاده صفوق
بر تیمور پارچه سی آتسه تماس ایتکسزین چکیج ایله ضرب
اولندیغی و هر نه اولور ایسه اولسون ایکی صفوق جسم یکدیگره
سورلدیکی حالده حرارت حاصل اولدیغی معلومدر: جسمده
کیر لو اولوب اولوجمهله بعض عملیات متعاقب ظاهر اولان حرارته
حرارت خفیه تعیر اولور: تفصیلاتنی ایلروده بیان ایدرم:
بر جسمك درجه حرارتی بزم جسمزله تعیین اولنده من چونکه
جسم واسطه سیله بر جسمك درجه حرارت و برودتنی تعیین
ایلك بزم وجود مزده اولان حرارتك درجه سنه نسبتله اولوب
بو ایسه بر معیار صحیح اوله من: بو بایده سزنی اقناع ایچون بر مثال
ایراد ایدیم: یاز کونی بر مخزنه کیردیککز وقت سرین و قبش کونی
کیردیککزده صیحا ق بولور سکز: حال بو که مخزنك درجه حرارتی
جیع زمانده بر سیاق اوزره اولوب اولوجمهله یاز کونی سرین
و قبش کونی صیحا ق حس اولنسی مجرد مخزنه دخولدن اول
وجودیکزك صیحا قلغی درجه سنه نسبتله در: مثلاً مخزن دائماً
اون درجه حرارته اولدیغی حالده یاز کونی خارجك حرارتی
یکرمی درجه اولور ایسه مخزنك حرارتی اون درجه اشاغی
اوله جغندن سرین و بالعکس قبش موسمنده خارجده حرارت
صفر درجهده بولور ایسه مخزنك حرارتی اون درجه زیاده
اوله جغندن صیحا ق حس اولور: صهر ییج صولرینك قبشین

صیحاق و یازین صغوق اولسنک دخی سبی بودر. بوبابده سزه قناعت کلیمک ایچون دیگر بر مثال ده ا ایراد ایده یم. اوچ عدد صوقدخی الوب برینه صیحاق و دیگرینه صغوق و اوچنجبسنه ایلیق صوطولدیریکز. الکزی صیحاق صویه صوقوب چیقاردقدن صکره ایلیق صویه صوقدیغکرده بونی صغوق و صغوق صویه صوقوب چیقاردقدن صکره ایلیق صویه صوقدیغکرده بونی صیحاق حس ایدر سکر. ایلیق صویک مزاجنده ایسه برآنده بویله تبدل حصوله که میه جکندن بونک گاه صیحاق و گاه صغوق حس اولنسی الکزک درجه حرارته نسبتله اولدیغی درکاردر. بنأعلیه بر جسمک درجه حرارتی حقیقی وجهله بیلیمک بزم جسمزه ممکن اوله میه جغندن اهل حکمت بونک ایچون میزان الحراره تسمیه اولنور برآلت مخصوصه اختراع ایتش لردر که بونک صورت اعمال واستعمالی ایلاروده تعریف و بیان ایلرم.

شاگرد

سیالنه ناریه نک ممتنع الوزن اولدیغی نصل تحقیق اولمشدر.

خواجه

پک قولای بر تجربه ایله بیلیمشدن. شویله که تیمور و یا خود باقردن معمول برکله اول امرده صغوق اولدیغی حالده طاریلوب بعده هر تقدیر تسخین اولنورق تکرار وزن اولنسه جسم مذکورک اغرغنده ذره قدر فرق بوانه مز. اشته بوندن سیالنه ناریه نک ممتنع الوزن بر جسم اولدیغی اکلا شلمشدن.

شاگرد

هر بر جسمه سیالۀ ناریه موجود اولوب فقط مقتضای حاله کوره
تزايد و تناقص ایدروسیالۀ ناریه تناقص ایتدیکجه اول جسمه
برودت حس اولور دیدیکز . بر جسمدن سیالۀ ناریه تصور تله
تناقص ایدروبو جسمدن چیقان سیالۀ ناریه نزهه کیدر .

خواجه

اوشود یککز وقت الکزه ایوجه ایصدلش بر مرمر و یا خود
بر معدن پارچه سی و یا خود دیگر بر جسم السه کز صیحا قلیق حس
ایدرك اندن الکز ایصنور . وجسم مذکورک حرارتی اولدرجه یه
قدر تناقص ایدرکه الکز ده طور دیغی حالده ارتق اصلا
صیحا قلیق حس ایتز اولور سکز . بوندن جسم مذکورک حاوی
اولدیغی سیالۀ ناریه نك بر مقداری زائل اولوب بودخی سرك الکزه
یکدیگی معلوم اولور . زیرا الکزه سیالۀ ناریه یکما مش اولیدی
الکز ایصنما مق لازم کلوردی و اولاً جسم مذکورده حرارت حس
ایدركن بعده بونی حس ایتماکزک سیی دخی الکز ایصنهرق جسم
مزبورک درجه حرارته مساوی بر حاله کلمسندن عبارتدر . چونکه
جسم مذکورک نه صیحا و نه صغوق حس ایتماکز الکزک
وجسم مذکورک حرارتی بدرجه یه کلمکله حاصل اولور . بر منقال
ویا خود صوبه نك اطرافنده اوتوروب ایصنقی اناردن منشراولان
سیالۀ ناریه نك وجود مزه نفوذ ردخولی مقصدینه مبیدر .

شاگرد

بر او طه ده بولان منقال و یا خود صوبه دن منشر اولان سیالۀ ناریه
یه او طه نک ایچنده بولان کافۀ اشیایه دخول و نفوذ ایدرمی .

خواجه

سیالۀ ناریه اشیای موجوده نک مزاجنه کوره از چوق هپسنه
تأثیر و دخول ایدر . بویا بده و قوعبولان بعضی تجربیه لری سزه
بیان ایدیم . بری طوپراق و دیگری معدن اوله رق ایکی صوبه ده
مساوی درجه ده آتش یا قلدیغی حالده معدن صوبه نک چاپک
و طوپراق کیچ ایصندیغی مشاهده اولندیغی مثلاً آتشک اطفاسندن
صکره معدن صوبه نک از وقت ظرفنده و طوپراق صوبه نک
براز کیچجه صغودیغی دخی کورلمشدر . معدن صوبه نک چاپک ایصنمی
سیالۀ ناریه بی سرعت و سهولتله بلع ایتمسندن و چاپک صغومسی
دخی سیالۀ مذکوره بی اولوجمهله سریعاً جسم آخره نقل ایلمسندن
نشأت ایتدیکی و طوپراق صوبه نک کیچ ایصنمی سیالۀ ناریه بی
بالعکس کیچ بلع ایتمسندن و کیچ صغومسی دخی سیالۀ مذکوره بی
جسم آخره کیچ نقل ایلمسندن منبعت اولدیغی اکلا شلمشدر .
بنابراین معادنه ناقل الحاره و طوپراغه غیر ناقل الحاره اطلاق
اولنور . غیر ناقل الحاره تعبیری جسم آخره اصلاً نقل حرارت
ایتمز دیمک اولمبوب بالنسبه از نقل ایدر معناسنده در . و بر جسمک
کافی نقدر زیاده اولسه اولقدر زیاده سیالۀ ناریه بلع ایتدیکی
تجربه اولندیغندن حجم لری مساوی اولان اجسام مختلفه دن
قغبسی زیاده اغر کلور ایسه انک سائر لرندن زیاده سیالۀ ناریه
بلع ایتدیکی و انک زیاده سیالۀ ناریه بلع ایدن جسم انک زیاده ناقل

الحراره اولدیغی تجربه اولمغله معادن احجار دن واحجار طوغله وکرمید دن وطوغله وکرمید اخشاب دن و اخشاب یوک و یوق و حیوانات توپارندن زیاده ناقل الحراره اولدیغی اکلا شلشدن حرارتک محافظه سی ملترزم اولان شلشدن ناقل الحراره اولان موادک قوللانماسی موافق حکمتدر.

اتمکیمی فرونلرینک و سائر صیجاق طور مسی ملترزم اولان اوجاقلرک طوغله وکرمید دن یا یلسی طوپراغک غیر ناقل الحراره اولمسی خاصه سنه میندر. اکثریا معدن معمول قهوه جزوه لرینک و امشالی اوانینک صاپلری اغاجدن اولمسی اخشاب معادنه نسبتته غیر ناقل الحراره اولدیغندن ال یاغامسی ایچوندن و اوطه لر ایچون تخته دوشمهک طاش دوشمه یه وجه ترجیحی دخی تخته نک طاشدن از ناقل الحراره اولمسیدر. ات اوزرینه معدن معمول برشی تلبس اولنه مامسی دخی معادن زیاده ناقل الحراره اولوب وجود مرک حرارتی در عقب خارجه نقل ایتسندن ناشیدر. یوک البسه تلبسی هر مومعه مناسب و مرجع اولوب چونکه یوک غایت از ناقل الحراره اولدیغندن قش مومعه حرارت غریزه مزی خارجه و یرمیوب حفظ ایتدیکی مثالو الک از ناقل الحراره اولان جسمک خارجدن الک از سهاله ناریه اخذ ایلدیکی دخی مجرب اولمغله یاز مومعه حرارت خارجه نک وجود مزه عدم تاثیرینی مستلزم اولور. اکثریا اطبا و احتیاطکارانک یاز و قش اینجه یوک فایله تلبس ایتلرینک و بادیه نشین عربلرک صیف و شتاده یوکدن معمول برنوس و طاقبه و کفیه قوللانلرینک حکمتی دخی بودر. حرارتک تأثیرانده الوانک دخی مدخلی وارددر. مؤخرأ بر تفصیل بیان ایدرم.

(بقیه بی صکره)

(قدری)

اوچنجی فصل

(هوا ایله صویا ساندیده در)

خفی اولیه که اجسام عنصریه معلومه طبیعتده دئما صاف و خالص بولمیب بر بریله ترکیبات مختلفه کثیره حاصل ایتش لدر که مرکبات مذکوره مواد متجانسه مثالو خواص مخصوصه لریله متصف و متمایز درلر . فقط بوراده مرکباتک جمله ییانی اقتضا ایتیب یالکز علم ژئوژی تحصیلنه لابد اولنارینک تعریفی کافی اوله جغندن اشبو فصلده هوا ایله صویک خواص و کیفیاتی بحثه مبادرت قلندی . شویله که کره ارضی احاطه ایدن هوای نسیمی هر نقدر عند المتقدمین عنصر اعتبار اولمش ایسده حکمت و کیمای جدید ایله ثابت و محقق اولدیغی اوزره جسم بسیط اولمیب برقاج جنس غازدن مرکبدر . جسم مذکورک ترکیب کیمیوسی بخشدن اول بعضی کیفیات طبیعیه سی ذکر اولنور . بزى احاطه ایدن هواده جسمیت اولدیغی پک چوق دلائل ایله ثابت و متحققدر . از جمله روی ارض خالی اولسیدی کیلرک یلکنلری روز کارده شیشمز و کیلر دخی حرکت ایتمز ویل دکر ملرینک قوللری نوغز ایدی و صدامنشر اولمیب اجسام خفیفه طیران ایلز ایدی . سیالات الاسئیه سائره مثالو هوا غایت سهولت و سرعتله حرکت ایدر مثلاً روز کار شدتلی اسدکده دقیقه ده الی بیک قدم مسافه قطع ایدر و هوا قابل التضیقدر .

مثلاً هوا ایلله مملو برطومه باصلدقده دلیخیوب اسزیرنی قابل انوطادر. بوخاصه دن ناشی هوا تضییق اولندیخی حالده حجمی پک زیاده انبساط کسب ایدوب توسع ایدر. بوندن معلوم اولور که علل واسبابه کوره هوانک حجمی تزیاید و تناقص ایلر هوا هر نقدر قابل انوطا ایسه ده زیاده تضییق اولندقده پک چوق قوت کسب ایلوب حتی دروننده بولندیخی قابی هر نقدر محکم اولسه شکست ایده ییلور. اشته هوانک شوقوتی حادثات ژئولوژیک باشلوجه سنی تبیین و تفهیم ایدر.

هوانک رنگی مائی ایسه ده درجه سی اکثریا تخلف ایدر. مثلاً هر نقدر مرتفع طاعه چیقلسه اولقدر رنگی قویور ویت اولنور. اور وپانک الک یوکسک طاعی اولان مون بلانک ذروه سینه مشهور موسیو صو سور سمایی سیاه رنگده کور مشدر و امر یقاده سطح دریادن اعتباراً ارتفاعی تمام ۱۷۹۵۶ قدم اولان کیطونام ولقان مشهورک اوزرندن موسیو بو سنغو کذلک سمایی سیاه رنگده کور مشدر. معلوم اوله که سمانک رنگی قویو مائی ویا خود اچیق مائی ویا یاضه قریب رنگارده کور نمسی هوا ده بولان انجیره مائه دن نشأت ایدوب انجیره مزبوره اوزرینه شمسک شعاعاتی ورود ایدرک انعکاس ایلسه ننددر. اکامینی هوا هر نقدر چوق بخاری حاوی یعنی رطوبتی اولسه اولقدر سمانک رنگی آچیق و بالعکس هوانک بیوستی حالده قویو اولور.

کره نسیمک ارتفاعی پک زیاده اولوب اگرچه بونک مقدار حقیق سنک تعینی عذیم الامکان ایسه ده سطح کره ارضدن نهایت ارتفاعی علی التخمین قرق قرق بش ساعت اعتبار اولمشدر.

هوا دخی جسم ثقیل اولمسی جهته طبعات علیاسی طبقات
 سفلا سنی تضییق ایلدیکی جهته سطح ارضه قریب بولنان
 هوانک ثقل اضافیه سی یوکسکده بولنان هوانک ثقلندن اقل
 و بونککی دخی دها یوقاروده بولنان هوانک کثافتدن زیاده اولوب
 هکذا بالایه قدر تخلخل ایدر. بو صورتده هوا ی نسینک کثافتی
 روی ارضدن نهایت حدودینه قدر تدنی و تنزل ایدر و شوکیفتی
 بالتجربه تحقیق و اثبات ایلک ایچون مخصوص بالونلر ایله غایت
 یوکسک موقعلره کوکرچین اطاره اولندقد هواسی قلیل و سیرک
 اولدیغندن مذکور حیوانلر طیران ایده میوب قنادرینی
 استعمال ایله بیلکه جکلی طبقه کسفه هوا یه دکین سقوط ایلشردر.
 بونلر ازراده طیران ایتسه لده سرعت نزول و سقوط طرینه مبنی
 کندیلرینی ضبط ایده میوب اجسام ثقیله نک سقوطاری کبی سرعت
 مترا ایده ایله یر یوزینه طوغری دوشه جکلی درکاردر.

هوانک ثقلتی یعنی اجرا ایلدیکی تضییق تقدیر اولمقی ایچون
 بارومتر و یعنی میزان الهوا تسمیه اولنان مشهور آلت استعمال قلنور.
 اشبو آلت ساکن اولدیغیز محل هواسنک حال و کیفیتی
 بیلدیردکن بشقه هوا ی نسیمده ظهور ایدن حادثات و کیفیات دخی
 کوستر و حتی اربابی بونکله جبالک ارتفاعلرینی تعیین و تقدیر ایدر.
 آلت مرقومه نک تعریف و بیانی و صور استعمالیه سی حکمت
 طبعیه کابلرنده تفصیلا مسطوردر.

بالاده بیان اولدیغی اوزره هوا ی نسیمی بر جسم سیال مرکب اولوب
 فقط مرکب اولمقلخی روی ارضدن صعود ایدن مواد مختلفه
 کثیره نک هوا یه قارشمسینه و حیوانات و نباتاتدن ظهور ایدن

و یا خود هواده تغیر ایدن اجسامدن حاصل اولان اشخه وادخنه نك هوای مذکور ایله مخلوط اولسنه مبنی دکندر . چونکه او یله اولش اولسه یعنی مواد اجنبیه مزبوره نك وجود یله جسم مرکب اعتبار اولسنه اختلاف موقع ایله هوانك جنسی و ترکیب کیمیویسی مختلف بولمق لازم کلورایدی . حالبوکه کره ارضك هر طرفنده هوای نسبی نك ترکیب کیمیویسی مساوی و غیر مختلفدر مثلاً یکر می بیک قدم مرتفع جبانك اوزرنده هوا النوب اصول کیمیا ایله تحلیل اولندقدده الحقی محالرك هواسیله مساری ترکیبده بولندیغی بی اشنباهدر . هوای نسبی نك ترکیبده ایکی جنس . غاز و جودی اثبات اولمشدر که بری مولدالموضه و دیگر بری آزوتدر یوقاروده ذکر اولندیغی اوزره اشبو آزوته غازمائی دخی نسیمه اولور . حرارت واسطه سینه بو ایکی عنصر حالت سیالیتده اولوب بولاردن بشقه هوای نسیمیده جزئی و مختلف المقدار صویضاری و حامض قاربونه بولور ایسده بولور بروجه محرر هوانك ترکیب کیمیویسنه داخل اولوب اشبو ترکیب یوز حجم هواده یکر می حجم مولدالموضه و یتش طقوز حجم دخی آزوتدن عبارتدر . بو ایکی غازك کیفیتاری محالرنده بسطوبیان اولمشیدی و حامض قاربونك دخی بیانی ایلروده کله جکدر . صویضارینك مقداری ایسه هوانك درجه حرارتیه تزايد اولوب هوانك برودتیه رطوبت مذکورده اظهاره منقلب اولور . هواده غاز آزوتك کلیت اوزره بولمسی امور غریبه دندر . شویله که ذکر اولندیغی وجهله اشبو غاز نسیمه غیر صالح اولوب مولدالموضه ایله مخلوط اولدقدده جهله غازلردن زیاده نسیمه و دروننده نشوونمایه صالح اولور . مولدالموضه دخی یالکن اولدیغی حائده حیاته مضر

اولوب ازوت ایله کسب اعتدال ایدر. هوای نسیمی اولوجهله حیوانات و نباتاتک مایه حیاتی اولدقدن بشقه منافع کثیره سی اولوب ازجهله دروننده دائماضیا و حرارت والکتربق و مانیتز مه موجود و بونلر حادثات کثیره مختلفه ایله ظاهر اولور. خلاصه کلام هوا لک ترکیب کیمیویسی جهتیله و کرک بوذکر اولسان سیالات غیر کشفه نک اعانه لر یله پک چوق تبدلات و حادثات ژئولوژی یه سبب و علت اولور.

حکمای متقدمین عندنده صودخی عنصر بسیط عد و اعتبار اولور ایدی. فقط متأخرینک بالتجربه اثباتلرینه کوره ایکی غازدن مرکبدر. و علم ژئولوژینک بحث و بیان ایلدیکی حادثات و انقلابات عظیمه طبیعیه دن استنباط اولندیغی و جمله صویک قشر ارض تحدشده و تبدلات و تغیرات متوالیه سننده کلی مدخلی اولمشدر. فی الواقع صویک قوتی درکار اولوب تاثیراتی ارضک حرارت جوفیه سنه منضم اوله رق انقلابات و تحدثات کثیره یه بادی اولدیغی بی اشلباهدر. اکابنأ میاه بحر یه وانهار و بحار و منابع احوالی هوای نسیمی قدرشایان تتبع و تحقیقدر. چونکه علم ژئولوژیده اثبات اولندیغی اوزره ابتدا کره ارض کاملاً مذاب اولوب تبردیله سطحنده قبوق پیدا اولمشدر که خارجدن مرکزه طوغری تدریجه کسب ثخونت ایلش و بوئدن استدلال اولندیغنه کوره ازمنه مختلفه ده میاهک تبخری دخی مقدارجه تخلف ایدوب شویله که قشر ارضک تحدشدن و سطح ارضک تبرندن اول میاه حالت بخار یتده بولوب بعده حاصل اولش اولان قشر حار اوزرینه تقطرا یتش ایسه ده قشر مذکورک سخونتی

جهتيله انده تقرر ایده میوب میاه مذکوره تکرار بخاره منقلب اولمشدر. وشو حال دخی برمدت دوام ایتد کدن صکره صویک الآن تصاعد وتباخری نظام وقواعدینه ربط اولمشدر. وکره ارضک حال حاضرینه نظراً حرارت جوفیه سی سطح قشره تأثیر ایلا مکه شمسک حرارتیه حاصل اولان صوبخاری مقدار غیر مختلفه ده در ویا خود تعیر دیگر له الیوم میاهک مقداری مقرر اولوب تخلف ایلز.

میاه منجمده دن یعنی میاه صلبه دن قطع نظر صویک ایکی صورت اعتباریه سی واردر که بری دکزلی وکولاری ادلا ایدن میاه کلیه و بریدخی هواده بخار هیئتده جولان ایدوب بعده بالکائف جری سریع ایله ینه بخاره عودت ایدن میاهدر. بوایکنجی قسم میاه تبخیر ایدرک تصاعد ایتش اولان میاهک یرینه قائم اولان میاهدر. معلوم اوله که صومولد الحوضه ایله مولد الماء غاز عنصر یلردن مرکب اولوب اشبو ایکی جسمک اشعاندن حاصل اولور و صویک جسم مرکب اولدیغی سهولته اثبات اولنور شویله که صیجا ق بر تیمور اوزرینه دوکیلان صودن حاصل اولان مزایحه جله نک معلومی اولوب حتی تیمور قزاق درجه سنده قزمش اولدیغی حالده علودخی پیدا اولور و زیاده قزمش اولان بر تیمور چبوق نصفه قدر صویه قونسه صوده کوچک نفاخات ظهور و صویک سطحه صعود ایدوب تیمور چوغنه تماس ایدرک برمدت انده مشتعل اولور. اگر ذکر اولسان کیوکلرک حاوی اولدیغی هوا بر قابله اخذ اولسنه رق تجر به اولسنه مولد الما تعیر اولنور غازدن بشقه برشی اولدیغی تبیین ایدر.

ذكر اولانان تيمور چو غك درونده بولنان قطعه سنده دخی
 بعضی کره تغير حصوله کلوب شویله که ایروده تفصیل اولنه جغی
 وجهله اول قطعه اصول کیمیا ایله تجربه اولنسه مولد الحموضه ایله
 امتزاج ایتش بولور. اشته بو تجربه لردن اکلا شل دیفته کوره
 صودن مولد الما ایله مولد الحموضه ظهور ایلوب حالبوکه استعمال
 اولنان تيمور ایسه جسم بسیط اولدیغندن غازین مذکورین
 صویي ترکیب ایتش اولد قلری استدلال اولور. کیمیا کران
 دهاپك چوق طرق سائر ایله صویك بو وجهله ترکیبی اثبات
 ایشلردر.

روی اعنده مواد اجنبیه دن خالی صو بولنوب فقط برمدت نزول ایدن
 امطار دن صکره یاغن یغورمه آخال صدر. صورده اکثریا انواع املحه
 واتر به و غازل بولور که صویك لذتی تغییر ایدر حتی منابع معدنی ده
 اولان خاصه دخی حاری اولد قلری مواد اجنبیه دن ناشیدر.
 عادی حرارت لده صویك مایع حالنده بولندیغی جله تك معلومیدر
 و درت درجه حرارت ده بولنان ماء مقطر ك بر مقدار معینی اجسام
 سائر ك كافی تعیین ایچون واحد اعتبار اولمشدر.

صاف و خالص صویك ثقلی تخلف ایتز ایسه ده ذکر صویي ونهر
 و منبع صوری مواد اجنبیه یی مساوی اولد قلرندن كفاقلری متخالفدر
 و دائماً راكدك سطحی كاملاً افقه موازی اولوب هر قدر بولندیغی
 محلك زمینی یعنی یساغی افقه مائل اولسه ینه صویك سطحی
 افقه موازی اولور. و صوت ماس ایلدیکی هر جسمك اوزرینه اجرای
 تضییق ایدر. بنأ علیه هر قنغی جسمك حجمه مساوی اولان مقدار
 صویك وزنی جسم مذکور دن زیاده ایسه اول جسم صویك

اوزرنده یوزوب بالعکس ذکر اولسان مقدار صواب اول حجمده اولان جسمدن خفیف اولور ایسه جسم مذکور یوزه میوب قعره نزول ایدر. زیرا اعتبار اولده صویک جسم مذکور اوزرینه تضییق جسمک صوابوزرینه اجرا ایلدیکی تضییقندن زیاده اولوب اعتبار ثانیده دخی قضیه برعکس اولدیغی اشکاردر و حتی صوده هر نقدر مواد اجنبیه محلول بولور ایسه اولقدر کثافتی زیاده اوله جغندن زیاده اجسام ثقیله یی قالدیرر انک ایچون مایع مخلوطده عیورطه باتوب طوز لوصوده بالعکس اوزرنده یوزر.

صوبخار حالنده اولدقده مایعیتده متحیر اولدیغی مکانک بیک یدیوز مثلنی اسنیعاب ایدر یعنی صوبخار ایتدکده حجم اصل سنیک بیک یدیوز مثلی قدر توسع ایدر. صویک بو خاصه سی واپور الترینک ایجادینه باعث اولمشدر. خفی اولیه که اشبو واپور قوتی اوائلده هیچ کسه نیک خاطرینه بیله کلمیوب انحق بو عصرک اختراعاتنددر. صوبخارینک بودرجه قوتی مناسبیله آلات جسمیه یی تحریک واجسامه نفوذ ایلمسی خاصه لری مسائل حکمیه ارضیه دن چوغنک حل واستخراجه مدار اولمشدر. اشبو صوبخاری مواد مختلفه ایله مخلوط اوله ییلوب بالئاسبه مواد معدنییه تأثیراتی درکار ایسه ده قشرارضنک زمان تحدثنده درجه تأثیراتی یک زیاده بولنش ایدوکی مجزومدر.

صفر درجه حرارتده صوبصلب ایدوب منجمد اولور و بو حالده معتنا و مشوع اناری ظاهر اولور شویله که بوز شفاف و براق و بلورکی رنگسز اولوب صلابتی جهتیله طاشکی یوتولور حتی میلادک ۱۷۴۰ سنه سننده روسیه ده شدید صغوقلر اولدیغندن

ایمپراطور یچه انا پترسبورغدن گذارایدن توانهرندن اخراج اولنش
ایکی اوچ قدم قایلنقده بوز پارچه لرندن برک کوچک سرای بنا
ایتدیرمش و مذکور بوز پارچه لری عادتاً اینیه طاشلری کی اینلنلوب
بنانک هر طرفی اندن عبارت ایدی و دائره لک مفروشات و لوازمات
سائره سی و اشبوسرایک میداننده الی عدد طوپ و ایکی خنجره
و دیکیلی طاشلر و متعدد استاتولردخی ینه بوزدن معمول ایدی.
ذکر اولنان طوپلرایله برقاق تیمور کله انداخت اولنوب شکست
اولماشدر. و بوسرایده چاریچه کیچه ضیافت و یروب و انواع
قنادیلایله تزیین ایلنوب شایان تماشا برشی اولمشیدی.

صوقارایله و یا مواد اجنبیه ایله مخلوط اولدیغی زمان تیز انجماد
ایدرو بوبوز دخی غیر شفاف ورنکی بولانق اولور لکن احوال
سائره ده بوز اشکال منتظمه یی اخذ ایدرک قرستاللر. معلوم
اوله که لسان یونانیده قرستال لفظی بوز معنا سنه اولوب
حجر بلور و درالجف نام براق و منتظم الشکل اولان طاشک
حکمای متقدمین صلابت شدیده ایله انجماد ایتیش بوز جنسندن
اولدیغنه ذاهب اولدقلرندن اسمنه قرستال تسمیه ایلشلردر.
اکابناً حالا حجر مذکور فرانسزجه قرستال دوروش یعنی قرستال
حجری اسمیه معروف اولوب معادن و احجاردن اشکال هندسیه ده
بولنا نلره بومناسبتله قرستال اطلاق اولنشدر.

صویک انجماد و ذوبانی احجاریک تغیرات و انکسار ینه مدار اولور
زیرا صوا احجاریک یار یقنری اراسنه نفوذ و دخول و صغوقده انده
انجماد ایدوب بومناسبتله تحاجم و انبساط ایدرک قوه انبساطیه سی
حسبیه احجاری هر نقدر سرت و خشین اولسه بیله کسرو شق

و بعضاً توزکی شکست و تفریق ایدر و احجار مفترقه ایله بولسان
صوانجماد ایلسه مذکور پارچه لری خراسانک تشیدی کی
بر برینه ربط و تشید ایدوب جسم واحد کی ایلر لکن حرارت ایله
ذوبان ایدوب ربط ایلدیکی اجسام ینه داغیلور صویک بووجهله
تأثیری جله نك معلومی اولوب صویوللرینک بوزلمسی وکاه دیوارلرک
یقللمسی و صو ایله مملوقا بلرک شدتلو صفوقلرده انشقاقی دائماً
و قوع بولور. تأثیرات مذکوره اراضی چاره دن زیاده اراضی
معتدله ده و خصوصیه احوال اقلیمیه سی برسیاق اوزره اولوب
اختلافاتی کثیر اولان محللارده و قوع بولور انک ایچون مصر الکاسنده
یغور از یاغوب طوک اولدیغندن نیجه یک سنه اول انشا اولمش
اولان جسیم بنار تأثیرات مذکوره دن مصون و محفوظ اوله رق
الحاله هده باقیدر و جمال مرتفعه ده حرارت مختلف اولوب یعنی
بردن بره صفوق و یا صیحاق اولمغله اوله محللارده صویک درجه
قوت و قدرتی ظاهر اولور زیرا جبالک عبارت اولدیغی احجاره
صونفونوبعد صفوقدن انجماد ایلدیگدن یکیدن هواده اعتدال
ظهور ایلدکده طاغک قطعه لری ایریلوب عظیم کورلدی ایله
شکست و منهدم اولور و امر یقانک جانب شمال شرقبسنده قطب
جوارنده واقع غرونلاند مملکتنده قطعات جبالک بووجهله
سقوط و انهدامنده طوپ یا پلامسی کی دهشتلوصدار حاصل
اولور. احجار اخر اچنده صویک انجماد یله حجم تزايد ایلک
خاصه سندن بعضاً استفاده اولنوب شو یله که کرمیدیرینه
اینیه اوزرینه تفریش اولسان اردواز نام برجنس قیاغن طاشی

محلندن ایری پار چهل چیقار یلوب حبر مذکور اینجه طبقاتدن عبارت اولدیغندن دیکنه وضع اولنوب اوزینه صودوکلور و بودخی طبقات ارا رینه نفوذ ایلوب و صغود قدده طوکوب طبقات مذکوره یی بریرندن تفریق ایدر وانکلتره ده بعض طاش او جاکلرنده بواصول استعمال اولنور بالاده ذکر اولنان هوا و صو جسملرینک کیفیات و احوالندن معلوم و منفهم اولدیغی اوزره جسمین مذکورینک علم ژئولوژیده و بحث ایلدیکی حادثات و اثار حکیمه ارضیده اهییتی درکار و صویک معدنیات اوزرینه تأثیرات ترکیبیه و تحلیلیه سی کلی و دائمی ایدوکی اشکار اولوب بونلر علم ژئولوژی کلمیزده بعض مرتبه تفصیل قلنه جغندن شمایلک بوقدرله اکتفا قلندی.

(ادهم)

(ناظر معارف و نافعده)

(سویش جدولی)

پکنلرده حسب السیاحه مضطر طرفنه وقوعبولان عزیمت عاجزانه مده برقاچ سنه دنبرو حفریله اشتغال اولنان سویش جدولنی با شدن باشه سیر و تماشا ایتیش اولدیغندن اشبو خطب جسمیه دائر مشهودات و تحقیقات واقعه مک بروجه اجمال تحریر و بیانه ابتدا راولنور.

جدول مذکور کشادینک متوقف اولدیغی مصارفات و تکلفاته و حسن حصولی تقدیرجه متصور اولان فوائده عضییه یه نظرأ

شوماده زمانه مركز اعظم تشبثاتی اوله رق كمال اهمیتی در كار در چونكه
خنی اولدیغی و جهله بحر محیط هندی ایله اورو پاییند طوغریدن
طوغری یه امدشدایدن سفائن قرق بش عرض جنوبیسنده
واقع امید بروندن طولاشقی لازم كلوب بو دخی التی یك میل
مسافه دن متجاوز اوله رق بش التی ماه و بلكه ده از یاده مدته
انواع مخاطرات و تكلفات ایله قطع اولنمقده اولدیغی جالده جدول
مذكور كشاد اولدیغی تقدیرجه مسافه مذكوره نصفه تنزل
ایده جکی مثلاً بونده اوقدر مخاطرات دخی اولیه جنی اشكار
بولنمشدر.

جدول مذکور ك او او جهله در كار اولان فوائد عظیمه سنه مبنی
شوكیفت از منة قدیمه دنبرو ملوك مصریه نك و خطه مذكوره یی
اسنیلا ایدن اجنبی حكمدارانك اقصای امالی اولوب زیرده تفصیل
اولنه جنی و جهله سینر و ستریس واسكندر و قیصر روم و عمر و
بن العاص و سلاطین عثمانیه دن سلطان مصطفی ثالث و ناپولیون
و محمد علی بونی تصور ایدوب مشار الیهمدن بعضلری دخی قوه دن
فعله اخراجنه موفق اولمشیدی.

بوندن یدی سكر سنه مقدم فرانسه لی موسیو فردیناند اسپسك تحت
ریاستنده تشكیل ایتش اولان بر قومانیه اشبوجدولك بر خط مستقیم
اوزره كشادینی در عهده ایدرك درت بش سنه دنبرو حفرینه
مما شرت اولنمشدر.

اشبوجدولك براوجی بحر سفیده دمیاطك جانب شرقیسنده
پور سعید یعنی لیانی تسیمه اولنمش اولان بر محله و دیگر اوجی
سویس لیاننده اولوب امتدادی یوزاللی بش کیلومتر یعنی تقریباً قرق

ساعت اوله جقدر: مرور ایده جکی محال همان سطح دریاه
 مساوی و بالکلیه سکنه وزرا عدن خالی چو لدر: فقط منزله
 وبلغ و تمساح واجی کول استنده درت قطعه جسم کول اولوب
 بونلرک بعضی لرلینک عمق لری دخی درجه مطلوبه ده اولد بندن
 مذکور کولرک وجودی مصلحتی خیلی تسهیل ایتشدن
 مذکور تمساح کولی ایله اقد کزیننده زمیندن اون الی متر
 ارتفاعنده و تقریباً اوج ساعت امتدادنده برنوع یومشاق
 طاشدن عبارت الجسراسعنده برتبه اولدیخی مثلاًو تمساح ایله سوبش
 یننده دخی طوسون تسمیه اولمش بر مقدار مرتفع زمین واردر
 اشبو جدول بحرینک عرضی الی سکر رعقی سکر متر اوله جقدر
 سالف اندکر پور سعیددن بدأ ایله حفرینه مباشرت اولمش اولغله
 نصف مسافه ده واقع مذکور تمساح کولنه قدر عرض مطلوبه ده
 و اقد کز سطحه نسبتله ایکی متر عمقده حفر اولوب کچن سنه
 تشرین ثانی اولاننده دروننه اقد کز صوبی اجرا اولمش و مذکور
 الجسرا نام تپه نک حفرنده اون ماه متوالیاً اون سکر بیک عمه
 استخدام قلمشدر

الیوم تمساح کولی ایله مذکور طوسون نام محل یننده ایشانوب
 سوبشه قدر بریکی طرف کبی یا لکرایکی متر عمقده حفر اولند قدن
 صکره صو ایچنده طو پراق قازمغه مخصوص دراق تعبیر اولور و اهور
 آلتلریله تعمیق اولنه جقدر: او لوجه له بردن بره درجه مطلوبه ده
 درین حفر اولنماسی ایکی سببه منی اولوب برنجیسی ال ایله مقدار
 مذکور دن زیاده قازلمسند صو حیثی مناسبتیه مشکلات ظهور
 ایتسی وایکجهسی دخی بر مقدار قازیلوب دروننه صوصایویرلدیکی

حالتده قایق‌لره هر درلور مهمات و اشیا نقلانه واسطه اولسی قضیه لریدن
تقریباً بر سینه دنبر و پور سعیددن بدأ ایله در اقلر واسطه سبيله
جدولك تعمیقه مبادرت اولنوب خیلی ابش کورلمش ایسه ده
مقدملری قومپایه تک بهری یکر می اوتوز بار کیر قوتنده یکر می قدر
دراق اولوب مصلحک جسمانه کوره مقدار مذکورک عدم
کفایتنه منی کچک نلرده اور و پادن یکر می قطعه جسم دراق دخی
جلب اولمشدر.

جدول بوینده قطعاً طاتلو صو اولمديغندن کرک اثنای حفرده
و کرک جدولك ختباغندن صکره مقدار کلی طاتلو صو ک لزو می
در کارار لغله قاهره تک جانب جنو یسینده واقع ز قازیق ترعه سندن
تل الکیر نام محله قدر ممتد اران طاتلو صو جدولك نهایتندن
بدأ ایله تمساح کولنه قدر یکر می متر عرضنده و ایکی متر عمقنده
اولمق اوزره تقریباً طقوز ساعت طولنده بر جدول کساد اولمش
و بعده اشبو طاتلو صو قنالی جدول بحرینک مرور ایده جکی
خط ایله متواز یا سویشه قدر تمديد قلمشدر و تمساحدن سویشه
جریان ایدن اشبو طاتلو صو جدولینک طولی تقریباً یکر می ساعت
وعر ضاقهری سکر و سطح ماسی اون طقوز بچق متر اولوب اسمی دخی
نام نامی حضرت پادشاهی یه نسبتله عزیزیه تسمیه اولمشدر.
تمساح جوارنده انشا اولمش بروا پور آلتی واسطه سبيله بر مر تفع
حوضه جدولدن طاتلو صو چقار یله رق جدول بحر ی کنارینه وضع
و تمديد اولمش اولان تیمور بوریلره پور سعیده قدر اجرا قلمشدر.
بو وجهله جدول بحر ی سراپا اروا اولندقدن بشقه تمساح و سواش
ایله نبل پیننده سیر «نهایت» قابل بر قنال حصوله کلمشدر. حتی

فقر ز فاق بقی تعه سندن تمساحه واورادن سویس جوارینه قدر مذکر طاتلو صوقناری تمساحدن پور سعیده قدر جدول بحری طریقہ کتدم کرک اشو جدول بحریدہ وکرک طاتلو صوقنالرنده خیلی قابق وصال امد شد ایدوب بونلر روز کار مساعد اولد چقه یلکن اچرلر ایسه ده بعض کره اقتضای ایتدیکی حالده هجینلره یدک چکدیریلور قومپانیانک جدول بحریدہ ایکی قطعه کوچک واپور سفینه سی دخی وار ایسه ده براز قبتدن بونلر علمانده اولمشدر.

قال بوینده دائماً اوتوزیک قدر عمیه وسائره بوانوب بالخصوص اورالری کبی میانک حارده طاتلو صواقدم لوازم اولدیغندن مقدملری اقتضا ایدن طاتلو صودوه لراه محال بعیده دن جلب وپور سعیده دکر صویندن تقطیر واستخراجنه مخصوص جسم واپور اتلری انشا ارنه رق بو یولده کلی مصارف وقوعولمش ایسه ده ایوم اشبو تکلفات بالکلیه برطرف اولمشدر طاتلو صوجد وللری حفرینه صویک کتوریله جکی محالاردن بدأ اولنوب ایکبشر ساعتدن عبارت اولان هر بر قسمی ختام بولدجه کشاد اولمش رحت اشو جدولرک هر رقیمته شروع اولمقسزین مریدیه جکی خطه موازی اوله رق ارل امرده ارل قسمته نهایتنه قدر درتیش ارشون عرمنده برکوچک جدول حفر اولنوب دروننه صوصالیویرلش وپور وجهله بیوک جدولده ایشلیان عمله ایلرولدجه دایمائی باشارنده استد کلری قدر طاتلو صوبولوب شو کیفیت زیاده موجب سهولت اولمشدر.

اشبوطاتلو صو جدر والری بروجه مشره حه مقصد اصلی اولان جدول
بحری احتیاجاتی دفع ایتد کدن بشقه سائر کونه فوائد عیدیه بی
دخی مستلزم اولمشدر شویله که معلوم اولدیغی اوزره سوبش
ایون بش بیک نفوسی جامع برتجار تکاه مهم اولدیغی حالده کرک
دروننده و کرک حواله سنده قطعاً طاتلو صوا اولدیغدن اوتنه نبرو
لهالسی بعض شوراق صولر ایچنکه مجبور اولوب هندستانه
آمد شد ایدن انگلیز سفاتی ایچون دخی مخصوص واپور التریله
دک ز صو یزدن مالذید استخراج اولدیغی مثالو قاهره دن
اورایه تیموریول انشا ارلنه لی عساکر و ما مورین ایچون
قاهره دن تیل صو بی نقل اولور ایدی . بود جهله صو یک قلنددن
ویغورک دخی غایت ندرت اوزره نزولدن ناشی اول حوالی بالکلیه
اشجار و نباتان دن خالیدر . سالف الدکر عزیزیه جدولی الوم سوبشه
قدر تمید اولمش اولمغله بو کیفیت شهر مذکورک سبب احیاسی
اولوب من بعد اوراده مالذید تدارکنده عسرت چکمد کدن بشقه
زراعت دخی ممکن اوله جغی درکاردر . مسموع عاجزانه مه کوره
قو مپانیه اشبو جدر ولدن لزوم یتیه ایچون اسئلدیکی قدر
صواخذینه ممانعت ایتمیوب فقط باغچه وترلا استا سیچون اجرا
اوله جق صوا ایچون بر مقدار مناسب بدل تعین ایده جکدر
اشبو جدر الرک مرور ایلدیکی محللر بالکلیه زراعت واهالیدن خالی
قولق صحرا ایسه ده طاتلو صو سایه سنده عهد قریده اراضی
منبتیه حصوله کله جکی مجزو مدر . حتی تمساح جوا رنده شمدیدن
بعض مزارع و بساتین تشکل ایدوب کچن یاز غایت ایری قاریوزلر
یتشدیرلش و بونک کمال مبدولینه منی اورالده بولسان عمله

و ما مورینی اداره ایتدکدن بشقه جوار بولسان معموره لره دخی
نقل و فروخت اولندیخی منظور فقیر اولمشدر .

تمساحدن پور سعیده قدر تمید اولسان سالف الذکر پوریلر
واسطه سیله کونده او جیوز الی مترکعب طاتلوصوا جرا اولنه جق
اولوب بومقدار انجق مرور ایده جکی مواقع مسکونه ایله پور سعید
اهالبسنک احتیاجات ضروریه سنه و بلکه بعض اشجار و نباتات
یتشدیرلسنه و فایده یلور ایسه ده اراضی وسیعه اسقا سنه
کافی اوا مه جخی درکاردر . تمساح کولی ایله پور سعید بینده الیوم
چولدن عبارت اولان اراضی حالا موجود بعض خرابات و آثار سائر
دلالتیه معلوم اولدیخی اوزره از منه قدیمه ده غایت مثبت
و معمور محللر اولوب حتی بومقدار قازانده التندن قابل زراعت سیاه
طوپراق چیقدیغندن برجدول کشادی تقدیرجه بورالری ده
از وقت ظرفنده کسب معموریت ایده جکی مجزومدر .

مصره البسی متوفی سعید پاشا ایله قومپانیه بیننده وقوع اولان
مقااوله وجهله اداره مصریه طرفندن تدارک واعطاء اولسان
یکرمی بیک عمه امور حفریده استخدام اولوب بولردن بشقه
قومپانیه نك اون بیک قدر دخی سر بست عمه سی واردر . اولکی
صفندن اولان عمه قومپانیه مهندس لرینک تعین و ایرانه ایلدیکی
بومقدار محدود محلی یکرمی اوتوز کونده حفرایدرک قریه زینه رجعت
ایتمکده و در عقب لرینه بشقه لر کلیمکده در بولر ما کولا تلرینی
برابرکتور دکلری حالد عود تلرنده قازد قلری محلاک صعوبته
کوره کندولرینه بومقدار مقطوع اجرت ویریلوب فقط
مدت استخداملرنده قومپانیه ک یلارندن اطعام اولاندقلری

حالده طعمه به بدلی محسوب از انوب بو صورتده الارینه جزئی نمی
 یکمکه در دیگر سرست عمه به مستوفی اجرت ویریلوب
 بونازدخی اکثریسی مصرلی ایسه ده ایچارنده خیال برالشاملی
 وروم و مالطیز واردن

(منیف)

(بقیه سی مسکه)

(خلاصه پولیتیه)

دانیمارقه

دانیمارقه اوزرینه سوق اراتقی اوزره ترتیب اولسان او ستریا
 و پروسیا عساکری دولتین مشارالیهما بیننده مفدا عقد ارنیش
 بر مقاوله عسکریه موجبجه و رانغل نام بر پروسیا الو جنرال
 تحت قومانده سنده اوله رق کچن شباط افرنجینک ابتدای
 بازار ایرتسی کونی صبا حاین (ایدر) نهرینی عبور ایدرک شلزوایق
 دوقه لغنه دخول ایلشالرو اولکون دانیمارقه لور ایله بونازر بیننده
 برکوچک محاربه وقوع عولش ایسه ده دانیمارقه لور استحکام
 ارقه سنده بولندقلرندن عساکر متفقه رجعته مجبور اولوب اشبو
 محاربه ده پروسیا ولی عهد مجروح اولمشدر. بعده وقوع عولان
 محارباته دانیمارقه لور مقاومت ایده میدرک اکثریسی نهزمأ (السن)
 اطه سنه الحجا ایلشالرو متفقین (فلنسنبورغ) و دیگر بعض
 شهرلی ضبط ایلشالردن

دائیمارقه دولتی مسئله حاضره ده انکثره نیک صحابته واسوج ونوروج ده لیتک اتفاقه اسناد ایتش اولدیغی حالده دولتین مشارالیهما طرفندن برکونه معاونت فعلیه کوره میده رک منازع فیه اولان هولشتاین وشلزویق دوقه لقلری برجه ده المانیالو طرفندن ضبط ایلش و بوجیهله اوستریا و پروسیا دلتاری با لسه و له غلبه ایدرک ارتق بونک اوزرینه دولتین مشارالیهما ایله دائیمارقه بیننده اولان منازعه نیک برطرف اولسی ملحوظ بولمشد. فقط بومسئله حقنه اوستریا و پروسیا دولتریه سائر المانیما حکمداران واهالیسی متحد الرای اولیوب دولتین مشارالیهما ۱۸۵۲ سنه سننده منعقد لوندره معاهده سی موجبجه هولشتاین وشلزویق دوقه لقلری کاکان دائیمارقه ممالکی داخلنده قاله رق فقط بونار ککند و اداره داخلیه لنده مستقل اولق اوزره هر برینه برقونستیتسیون ویرلسی طلبنده اولدیغندن و حالبوکه المانیالور مذکور ایکی دوقه لغک بالکلیه دائیمارقه دن نزعیه ممالک جرمانیا اتفاقه ادخلی داعیه سننده بولندیغندن اختلاف مذکورک اشبهوایکی طرف بیننده موجب نزاع اولسندن خوف اولمقده در.

لهستان

کروه عصاة اوروپا دولترینک معاونت فعلیه سنندن قطع امید ایتک درجه سنه کلمش و بونک اوزرینه موسم شتادخی حلول ایدرک امر مدافعه بالطنع کسب صعوبت ایلش ایسه ده شو حالار لهستانک اعاده امن و اسایشنه مدار اوله میدرق اتش جنک وجدال کاکان اشتهال ایتکده و روسیه دولتی شوماده اوزاد بجه

در کار اولان هر در او محاذیردن قطع نظر مدا خلالت اجنبیه بی
داعی اوله رق مسئله نك بر قاندها کسب اشکال ایلمسندن احترازاً
هر نه صورته اولور ایسه اولسون بران اقدام حل و تسویه سی
مقصودیه اولسا بده تدابیر قویه تشبث ایدوب بونی دخی کون بکون
تشدید ایتکده در غزته لک روا یکنه کوره ماده فساد ادنا
مرتبه مدخلی اولدیغی تبین ایدن هر صنف کساندن صلب اولتان
وقور شونه دیزیلان لک حد و حسابی اولمیوب اصلزاد کاندن
دخی پک چوقی رجا و نسانی ابدله سیر طرفه اعزام اولمقدیم در
بودفعه دخی عموم اهالی اوزرینه غایت اغرویر کور طرح
اولندیغی مثلوقانو لک کلیسا و خسته خانه لری وار داتنک یوزده
اون ایکسینک اخذ و تحصیل قرارلشدیر لمشدر. یک نلرده
روسیه مارشال لرندن بریسی سوقا قده کیدرایکی اوزرینه
سوء قصد اولنوب فقط بوکا جسارت ایدن اله کچوریله ماعش
اولدیغندن شوحرکتک وقوع بولدیغی محله کاعن بر ذاتک
قوناغندن اون بیک قاربون جریمه تحصیل ارنمسنه واشبو مبلغ
اون کونه قدر ویرلمدیکی حالده مد کورقوناغک مصادره
قلمسنه قرار ویرلمشدر.